

۲۴ شوال ۱۳۳۱

پنجشنبه

۱۲ ايلول ۱۳۲۹

عدد — ۶۳

امور اداره و تحریریه و اعلانات و ساثره
ایچون مدیر مسئوله مراجعت ایدملیدر.

صرفای امتک مقالات منصوفانه لریه
جریده صوفیه تک حیفه لری
آچقیدر.

جریده صوفیه

شیمدیلک هفته ده بر نشر اولنور.

نسخه سی ۴۰ پاره در

ابونه سی : بر منه لك اعتبارله ممالك
عثمانیه ایچون ۴۰ آلتی آیلنی ۲۵ فروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسعود
جاده مشرقی انجم استقبال مطبعه سی

تصوفی، دینی، اخلاقی، سیاسی جریده اسلامیة در

اطوار فطرت و طور نبوت

- ۲ -

جناب حق مخلوقانندن نوع بشره احسان بیوردینی مانیاتیزمه
فنی نظر دفته آل بر مخلوق ضعیفك بالتعلم بعض اسبابه تشبیه ذاتا بالقوه
موجود اولوب فلیانی بوجه مجهول اولان بو احوال عجیبی میدانه
کتور مسندن بالانتقال او فلك و او قونك فاطر و قادر علمی اولان ذات
حقك بو كی كندو حقیقی كلاشلمامش و اكلاشیه میه جق دهانه
یوك قوای غیر محدوده سنك موجود اوله یله جكنی و او قونك مشیت
الهیة ايله كشفنه مستعد اولارق یاراندینی ذوات مقدسه نك ینه بو عالمده
ظهوری محالات عقلیه دن اولدینی دوشونده انصافه كل . ینه سنین
اخیره ده كشف ایدایی كوریلان تلمسز تلغرافه باقی آندنده حقه و طور
نبوته انتقال ایت واقعا بور قوه طبعیه دركه اسبابه تشبیه حاصل اولور
لكن او قونك بر قوه قاهره مطلقه محتاج اولدینی اونومه او قوه
طبعیه ایجادیدن فلاسفه طبعیه اولدینی اولجده سوبلدك ذاتا كاشانه
تودیع ایدلمش اولان قوه مزبور مك اظهارا ثابته خدمت ایدناره نحسین
و تشكره برابر جناب حقك مخبرات و مخاطبات قدسیه سنی اخذ و تلقیده
تلمسز تلغرافاتی وظیفه سنی ایفا واستینا خصوصنده كی اجزا و ادوات
مقتضیه نك طبایع و خواصنی جامع و اغبارنی صورت اخذ و تلقیدن مانع
بولنان خواص نوع بشری انكار اتمه اسوات و نعماتك حفظ و نقلنده
استعمال ایدیلان فوئوضراف ما كنه لری و آنك اجزا و اداتی ده تعمیق
فكر ايله دوشون بوقاروده ابضاح ایلدیكم ادله عقلیه یی بوكاده تطبیق
ایت چشم صورتین ايله كوره مدیكك بر قونك بعض اشیا و اجزای
متمزجه واسطه یله سكا اسماع ایلدیكی الفاظ و معانیدن خواص طور نبونه
استدلال طریقنی كوزت (و یخانی مالا تاملون) اخبار جلیلی و جهله
دها ایلرو طوغرو بنه انسانی و اسطه یله اظهار بیوریلجق اولان
مصنوعات مخفیة نك حین تعیننده سنك طرفكدن ایفاسی لازم كلان تطبیقات
استدلالیه یی اونومه كوردیكك ایشیدنیكك و كوره جكك ایشیده جكك
تظاهرات مادیه و معنویه نك مكانه قارشو نهایی اولامیه جقنی بر ایمان
قوی ايله اعتقاد ایت و بتون بونلك فوقنده كشی میمكن اولامیه جق بر
قوه دیگرك موجودیتی و او قونك صاحب و موصوف قهاری اولان
ذات عظیمك تجلیات خصوصیه سینه مظهر بیوردینی طور نبونه ایمان ایت
دها نه لر سوبله بهیم لکن بونلك هپی سؤقه مدن قورنولمه و بتون
قوای مرثیه و غیر مرثیه نك خالق و مرجعی اولان ذات قهار عظیمك
وجودینك واجب مطلق اولدینه ریب و شكدن وارسته بر ایمان ایتك
وابسته در چونكه تفهیمسز تصدیق اولامس خواص طور نبوتدن بلكه
بوقدر جقنی اكلایه بیلورسك دیه سوبیلورم اما او طورك خواص سازه سی
ذوق وجدانی ايله اكلاشیلور فنونك آكارشكه اقتداری کافی دكلدر
اوبشفه برمسلكدر سنده اولان نمونه یی و یلدم انصاف ایدرسك تصدیقه

كوجاك جكمزسك اشته خواص سازه یی تفهیم ايله به جك طریق عبودیتده
برمسلك خاصدركه آنكده اربابی واردر .

او مسلكده ثابتقدم اولان متفكرین الهیه برنوع ذوق وجدانی
میسراولوب استعدادلری مقداری اودوق و عرفانه مقایسه ايله معقولانك
فوقنده احوال عجیبیه تصدیق و ایقان حاصل اولور نه یوك معرفت
نه مقدس علم بونك اساسی توحید اولمه ایدی بلكه اورویا متفكر و متفكراری
بزم جزویت اجتهادیاتی مقلد لرندن ده زجتمسز بر بولدن بورایه یاناشق
میكن ایدی دیرم فقط نه چاره كه بومسلك مقدسك تملی توحید و طور
خاتمیت نبوتی تصدیقه در .

نبوتك مناسبی اكلا دقدن سكره قرآن کریم و احادیث نبویه یی
كمال اعتماد و ایمان قوی ايله كثرت اوزره مطالعه و تدقیق و تعمیق ایدنلر
فخر كاشانك علیه اكمل التحیات افندمكك طور نبوتك درجه اعلا سنده
بولندینه بالضروره واقف اولور و بو بابده حاصل اولان علم و وقوفی
احادیث نبویه نك عبادات و تصفیة قلوب و تهذیب اخلاق حقیقه كی حسن
تأثیری و صدق مدعاسنی تفكر و تجربه ايله تأیید و تشیید ایدرلر .

اشته طور نبوت حقیقه علم یقینی تحصیل ایتك طریقنی بو درلو
ارامیدر بوقسه انبیا و مرسلین حضراتك انفس و آفاقده بحول الله
ارائه بیوردقاری خوارق عاداتی عقلای جاهله فنون ضعیفه لرینه تماس
ابتدیه مدكلرندن او كی معجزات ايله تصدیق نبوت شوبله طورسون
بوسبتون انگار و ادیلرند شقاوتكزین حیرت اولورلرده [بضل به كثیراً
و یهدی به كثیراً و ما یضل به الا الفاسقین] آیت جلیله سنك مضمونی
وجهله او معجزات باهراتی بتون بتون انكار و یا خود سحر و فسون
قیلندن بر ابتلا ظن ایتكده اصرار ایدرلر، چونكه علم و عرفان و ذوق
و وجدان ايله حاصل اولمه جق ایمان قوی خوارق عادات ايله هیچ
حاصل اولماز ذاتا بو كی معجزه لر منكرینك كویا ذات حضرت
رسالت پناهی عازر برافرق اسكات ایتك مقصیده طلب و اصرارلری
اوزرینه وقوع و بولمش اولوب ینه او كروه لایقاجون كفر و انكارلرند
پارانداز ضلالت اولمش قلمش اردر، نصلكه بوكون ینه آنارك اخلاف
و ورثه كفر و اختلافلری صاحب اقوام السیر افندمكك احوال و اطوار
وسیر شریفه و شریعت منیفه لرینه قارشو اجرای نفاقدن كیرو طور میورلر .
كل انا، یترشح بما فیة شوراسنیده ابضاح ایدهیمك بوقارودن بری طور نبوتك
دائرة معقولانندن بر ز و طور عقلا طور نبوتی ادراك و احاطه دن
عاجز و ابتر اولدینی بیان ایتدیكمزدن بودین جلیل احمدینك ادیان سازه
باطله كی دستایر واهی سینه عقل ابرمز بر طاقم اوهام و اساطیردن عبارت
اولدینه ذهب حاصل اولسون حاشا اویله دكلدر دین جلیلمك
احكام عمومیه سی عقل و حكمت موافق و معقولات كونیة اساس دین
مننیه مطابق شو قدركه احكام قرآنی و اوامر سبحانیك بالواسطه و یا
واسطه سز اولارق جناب ذات اقدس كبریادن اخذ و تلقی ایده جك
ذوات عالیة نك قوب و بطون مقدسه سینه ظهور و طلوعنی قبول و استغاضه
مستعد بر صورتده بارانش اولدینی و انلرده كی احوال لاهوتیه یی طور

فقط شو بسط و بیان ابتدیکم علم دیانت بر حکمت جلیله الهیه در که
راسخین و عرفای عشاق الهینک صفحات قلوبنه تودیع ایدلمشدر اشته
او محققینی تقلید ایدن مؤمنین موجدین (المرء مع من احب) سرنه
مظهر اولورلر باقکیز آرتق سزده هر کیجه تقلید ایدرسه کز ایدکیز
(يوم ندعو كل اناس بما هم) آیت جلیله سنک دائره وسیع سندن کیمسه
قورنیه من ومن الله التوفیق

مصطفی فوزی

روضه القراء

مقدمه

علم وجوه فراثک خلاصه تعریفی ایلله تاریخچه سی

— ۲ —

قرآن کریم ، جناب حق کلام قدیمی اولوب روح الامین یعنی
جبریل علیه السلام و ساطنیه سیدالمرساین صلی الله تعالی علیه وسلم
افندمن حضرتلری اوزرینه منزل و مصحف شریفده مکتوب
و صدورده محفوظ و امت بیننده متواتر و وقت بعثت بی علیه السلام
حضرتلرندن الی یومنا هذا علی وجه التواتر منقولدر .

امام شعبی حضرتلری زمان سعادت نشان حضر فخر دو جهاند
قرآن عظیم الشانی کاملاً حفظ ایدن اصحابدن ابی بن کعب ، معاذ بن جبل
ابو الدرداء ، سعید بن عبید ، ابو زید ، زید بن ثابت حضرتانی اولدیفی
بیان ایدیور . (موضوعات العلوم) ده ابو بکر الصدیق ، عثمان بن
عفان ، عبدالله بن عمرو بن العاص ، عبدالله بن عمر ، عبدالله بن مسعود
حضراتنک دخی حفظه قرآندن اولدقلری محرردر .

(تاریخ قراء کرام) ده و آثار سائده قرائت و اقراده مشهور
اولان اصحاب کرام ابو بکر الصدیق ، عمر بن الخطاب ، عثمان بن عفان
علی بن ابی طالب ، ابی بن کعب ، معاذ بن جبل ، زید بن ثابت ، سالم
بن عتبیه بن ربیع ، عبدالله بن مسعود ، ابو الدرداء ، ابو موسی الاشعری ، عبدالله
بن عباس ، ابو هریره ، عبدالله بن السائب حضرتانی اولدیفی محرردر .

امام ذهبنک طبقات قرائنده عثمان بن عفان ، علی بن ابی طالب ،
ابی بن کعب ، عبدالله بن مسعود ، زید بن ثابت ، ابو موسی الاشعری ،
ابو الدرداء حضرتانی قرآن عظیم الشانی علی طریق العرض رسول الله
صلی الله تعالی علیه وسلم افندمن حضرتلرندن ، ابو هریره [۸] عبدالله

عقلک احاطه ایدمه چکنی عرض و بیان ایتک مقصدی تمقیب اولمشدر .
ذاتاً حواری عاداته و انواع عجایبانه دأر اولان بیاناته نه حاجت ذره قدر
عقل و انصافی اولان بر کره اون دردت عصر اول دنیانک حالتی دوشونسون
مکده ظهور ایدن بر تک الله ابیشغنی کورسون برده بو کونکی درتیوز
ملیون افراد اسلامیه نظر ایتسون کچن عصرلرک افرادی بر حساب
وسطی ایلله حساب ایتسون سکره منصف ایتسه حیرتاره واره جقدرکه
قوة قدسیه صاحب اولمیان هیچ بر فردک بویه بر قانون بویه بر هیئت
اجتماعیه میدان کتوره میه چکنی اکلارده نهایت طور خاتمت نبوته
بالضروره ایمان ایدر ، لکن هدایت حقدندر ، چونکه بالانجینک موسی
یاتسویه قدر یانار موسویت عیسویت کبی ادیان قدیمده بو کون بالکیز
برنامی محافظه ایتکده کی حکمتده اساسلری اعتباریله برردین الهی اولدقلرینه
دلیدر ، فقط بو کونکی ادیانک باطل اولدقلرنده شبهه یوقدرکه بهضار بر
وبضار ایکی ودها زیاده ادیان متأخره و انبیای مبعوثه بی انکار ایدرک
خاتمه الادیان اولان شریعت جامعه محمدیه بی قبول ایتبورلر اشته کفر
و نفاقلری بوراده در .

اقوام مشرکه نك عادات دینه دیه قبول ایتدکلری اساطیری حقیله
تدقیق ایدرسه نك انلرکده و قتیله برردین الهیدن اقتباس ایدلیدی فقط
انبیای متأخرینه ایمان ایتدیرک اللرنده کفی تحریف ایده ایده شو حاله
کلیدی اکلایلور . اشته بو کونکی عیسویت و موسویتده بویه جهدر .
اوزون سوزک قیصه سی علوم فلسفه ایلله طور نبوت مقایسه اولنه من
ریاضیات ، منطقیات ، طبیعیاتک موضوع و غایاتی بشقه منتسبین طور
نبوتک معارف و دریایی بشقه در . حکمای متأله نك کثرت اختلاف
و غلطیاتنک مرجع عمومیه سی ، دائره طور عقل افق منتهاسنه وارمش
اولدقلری حالده دائره طور نبوته اقتسابدن غفلت ایتش بولنلریدر .
بویه اختلاف و اعوجاج کثیره بی محتمل اولان و ترویج آمال ایچون
مقام استشاده و قلوب حقانی طرفلرینه استجلاب ضمننده آیات قرآنی
واحادیث نبویه و محققین صوفیه حضرتنک آثار حکمیه سندن مباحث
و مواقه کلات وجل حکمیه مزج ایدلمش بولنان برفن ایلله طور نبوتک
مناسبتی اولماقله ذاتاً دقایق مفاصله سته بیکانه اولدیکیز بوکی فلسفیانده
علم جلیل نبوت اکلایشله من .

ای مقلدین فن طبیعی سزده بر کسدرمه بول کوستره یمده قبول
ایدکیز عقل و علمکیز هر هانکی برقوته منحصر قالمش ایتسه اشته اوقوتک
فوقنده دها دیگر قوتلرک موجود اوله ییله چکنی انکار ایتکیز و اوسزک
معقولات و تصوراتکیزی انحصار ایدن قوتک فوقنده بولنمی ایجاب
ایدن قوتلرندن هر هانکی سنک قوه طور نبوت اولدیفی و قوه قاهره الهیه
قوه طور نبوتک دها نیجه قوتلرجه فوقنده بولنلرینه و مرجع و منتهای
قوای عمومیه انجق ذات حق ایچون ایدوکی اقراردن چکنه یکیز بونی
بویه جه ایمان ایدرسه کز علمکیزده نقصان دکل بر جوقی فضله لقی کورمش
اولورسکیز .

[۸] ابو هریره رضی الله عنه حضرتلری قرائتی علی طریق العرض عثمان
بن عفان ، علی بن ابی طالب ، ابن مسعود ، زید بن ثابت ، حضرتلرندن اخذ
ایدلیدی ابو هریر والدایتنک جمله رواایتدن اولدیفی طبقات ذهبنده محرردر .